



23 JUN, 2024

JKDM tak luntur semangat

Metro Ahad, Malaysia



Page 1 of 2

INSIDEN PENYELUDUP TEMBAK ANGGOTA

JKDM tak luntur semangat

Kuala Lumpur: Jabatan Kastam Diraja Malaysia (JKDM) memandang serius insiden sekumpulan individu disyaki penyeludup melepaskan tembakan ke arah anggota JKDM yang menjalankan tugas operasi membanteras penyeludupan minyak petrol dan diesel di Kelantan.

Ketua Pengarah Kastam Datuk Anis Rizana Mohd Zainudin berkata, JKDM melahirkan rasa syukur tiada anggota tercedera dalam insiden terbabit.

Menurutnya, insiden ini tidak sedikitpun melunturkan semangat anggota

JKDM untuk terus menggalas tugas mengutip hasil negara, memberi fasilitasi perdagangan dan mengawal sempadan.

“Cabaran dan halangan semasa menjalankan tugas penguatkuasaan adalah rutin yang ditempuhi oleh anggota JKDM dalam menjaga kedaulatan negara sehari-hari.

“JKDM akan sentiasa memperkasakan strategi untuk menghalang penyeludupan dan mengekang ketirisan hasil demi kemakmuran negara,” katanya dalam satu kenyataan, semalam.

Beliau berkata, JKDM sentiasa komited menangani isu dan permasalahan membabitkan aktiviti penyeludupan dan akan terus bertindak tegas terhadap mereka yang membabitkan diri di dalam aktiviti jenayah rentas sempadan ini berdasarkan punca kuasa perundangan yang berkuatkuasa.

Terdahulu, sepasukan pegawai dan anggota Jabatan Kastam Diraja Malaysia (JKDM) Kelantan berdepan detik cemas apabila diancam penyeludup termasuk dilepaskan tiga das tembakan.



23 JUN, 2024

JKDM tak luntur semangat

Metro Ahad, Malaysia



SUMMARIES

INSIDEN PENYELUDUP TEMBAK ANGGOTA

Kuala Lumpur: Ja b a t a n Kastam Diraja Malaysia (JKDM) memandang serius insiden sekumpulan individu disyaki penyeludup melepaskan tembakan ke arah anggota JKDM yang menjalankan tugas operasi membanteras penyeludupan minyak petrol dan diesel di Kelantan. Ketua Pengarah Kastam Datuk Anis Rizana Mohd Zainudin berkata, JKDM melahirkan rasa syukur tiada anggota tercedera dalam insiden terbabit.